

## ტექნიკური დავალება

შპს „დიპლომატ ჯორჯია“-ს დაკვეთით არსებული სათაო ოფისის პირველი, მეორე და მესამე სართულების სარეკონსტრუქციო სამუშაოებისთვის. ასევე, ტექნიკური რეგლამენტის „შენობა-ნაგებობის უსაფრთხოების წესების“ დამტკიცების თაობაზე, მთლიანი შენობის, საქართველოს მთავრობის 41-ე დადგენილებასთან შესაბამისობაში მოსაყვანად.

### 1. არსებული მდგომარეობა:

საპროექტო ობიექტი მდებარეობს შპს „დიპლომატ ჯორჯია“-ს საკუთრებაში არსებულ მიწის ნაკვეთზე, მდებარე ქალაქი თბილისი, თენგიზ ჩანტლადის ქ. # 10, I შესახვევი.

მიწის ნაკვეთის საკადასტრო კოდია: 01.19.17.001.044

ტექნიკური დავალების მიზანს წარმოადგენს:

- ძირითად შენობაში პირველ, მეორე, მესამე და მეოთხე სართულებზე არსებული სივრცეების რეკონსტრუქცია;
- საინჟინრო სისტემების მოწყობა;
- გადახურული სივრცის შექმნა მაკულატურის დამუშავებისთვის;
- ძირითადი შენობის ყველა სართულის და ელემენტების, ტექნიკური რეგლამენტის „შენობა-ნაგებობის უსაფრთხოების წესების“ დამტკიცების თაობაზე, საქართველოს მთავრობის 41-ე დადგენილებასთან შესაბამისობაში მოყვანა;

ამჟამად, საპროექტო ფართის პირველ სართულზე განთავსებულია:

- თანამშრომლების მისაღები ჰოლი და რეცეფციის კუთხე;
- თანამშრომლების ავტორიზაციის პუნქტი;
- კიბის და ლიფტის უჯრედი;
- დამხმარე ფართი;
- სველი წერტილი;
- სამზარეულოს ოთახი;
- სასადილო დარბაზი.

სარეკონსტრუქციო ფართის მეორე, მესამე და მეოთხე სართულებზე კი ძირითადად განთავსებულია:

- საოფისე ოთახები;
- შეხვედრის ოთახები;
- სველი წერტილები;
- სამზარეულოს ოთახები.

მეოთხე სართულზე განთავსებული ფართების ინტერიერის დიზაინის ანალოგიურად და დამკვეთის მიერ შემუშავებული ტექნიკური საპროექტო ნახაზების შესაბამისად განხორციელდება საპროექტო ფართების რეკონსტრუქცია.

## 2. საპროექტო არეალი

წინამდებარე მოცემულობით იგეგმება არსებული საოფისე ინფრასტრუქტურის შემდგომი განვითარება (რეკონსტრუქცია), რაც შინაარსობრივად მოიცავს:

### ➤ პირველ სართულზე არსებული სასადილო დარბაზის გაფართოებას (მიშენებას)

მაქსიმალურად გაიზარდება როგორც დასაჯდომი ადგილების რაოდენობა, ასევე საკვების გაცემის ხაზი. დაემატება ადგილი 2 ადამიანის ოპერირებისათვის (სალარო, დამხმარე).

### ➤ ოფისის მე-2 და მე-3 სართულებზე შეიქმნება საერთო სამუშაო სივრცეები

ოფისის მე-2 და მე-3 სართულების დაგეგმარება და ინტერიერის დიზაინი უნდა იმეორებდეს შენობის მე-4 სართულზე არსებული ოფისის ინტერიერის დიზაინს.

- გადახურული სივრცის შექმნა მაკულატურის დამუშავებისთვის
- მე-4 სართულზე არსებული ოფისის და ძირითადი შენობის ყველა ელემენტის ტექნიკური რეგლამენტის „შენობა-ნაგებობის უსაფრთხოების წესების“ დამტკიცების თაობაზე, საქართველოს მთავრობის 41-ე დადგენილებასთან შესაბამისობაში მოყვანა
- საინჟინრო ქსელები, მათ შორის:
  - შიდა ელექტრობის სისტემა;
  - შიდა წყალმომარაგება და კანალიზაციის ქსელი;
  - გათბობა-კონდიციონირების სისტემა,
  - გარე ბლოკების განლაგება უნდა მოხდეს ფასადზე და სახურავზე.
  - ვენტილაციის შესრულება უნდა მოხდეს რეკუპერაციის გამოყენებით;
  - ვენტილაციის სისტემა უნდა აღიჭურვოს რეგულირებადი დამპერებით ყველა ცხურზე.
  - შიდა სადრენაჟე ქსელი, კონდენსატის სისტემა;
  - რეგულარული და სახანძრო ვენტილაციის სისტემა;
  - სახანძრო კარადების ქსელი და ხელის ცეცხლმაქრების გეგმარება.
- სუსტი დენების ქსელი, მათ შორის:
  - სახანძრო სიგნალიზაცია (თავსებადი შენობის სიმაღლესთან);
  - დაშვების სისტემა;
  - შიდა მაუწყებლობა;
  - ვიდეო-მეთვალყურეობა - კამერის სპეციფიკაციები შეთანხმდეს დამკვეთთან;
  - ინტერნეტი.

## სახურავის და შეკიდული ჭერის კონსტრუქციები

არსებულ შენობაზე ნებისმიერი საპროექტო ელემენტის მიერთების კვანძი შეთანხმდეს დამკვეთთან.

პირველ სართულზე არსებულ სამხარეულოში / სასადილოში შეკიდული ჭერი უნდა იმეორებდეს არსებულის გაგრძელებას.

მე-2 და მე-3 სართულებზე, ოფისებში შეკიდული ჭერი მოეწყოს მე-4 სართულზე არსებული დიზაინის შესაბამისად (დამკვეთთან შეთანხმებით).

## **კედლები**

პირველ სართულზე არსებულ სამზარეულოში / სასადილოში შეკიდული კედლები უნდა იმეორებდეს არსებულის გაგრძელებას.

მე-2 და მე-3 სართულებზე, ოფისებში შიდა გამყოფი კედლები მოეწყოს მე-4 სართულზე არსებული დიზაინის შესაბამისად;

სასაწყობე შენობაში ოფისის ტიხრები მოეწყოს თაბაშირ-მუყაოს ნესტგამძლე (ლურჯი) და ცეცხლგამძლე (წითელი) ორმაგი ფილებისაგან. ტიხრების საიზოლაციო მასალა - ქვაბამბის შრე 80 კგ/კ.მ. სიმჭიდროვის, გახვეული პოლიეთილენში -5 მმ სისქის. ყველა ტიხარს ექნება გარე დაცვის კუთხე. კედლებზე სველი წერტილების მოწყობის არეალში გათვალისწინებული იქნება კერამიკული ფილით მოპირკეთება. მშრალ სივრცეებში კედლები დამუშავდება და შეიღებება რეცხვადი საღებავით;

საინჟინრო კომუნიკაციების გათვალისწინებით დამუშავდეს კედლის ღიობების ჩახურვის კვანძები და მიეთითოს რეკომენდაციები.

## **იატაკები**

პირველ სართულზე არსებულ სამზარეულოში / სასადილოში იატაკი უნდა იმეორებდეს არსებულის გაგრძელებას.

მე-2 და მე-3 სართულებზე, ოფისებში იატაკები მოეწყოს მე-4 სართულზე არსებული დიზაინის შესაბამისად;

იატაკის და კედლის შეერთების ადგილები მოპირკეთდეს პლინტუსით. პლინტუსის კვანძი შეთანხმდეს დამკვეთთან.

## **კარები**

მე-2 და მე-3 სართულებზე, ოფისებში კარები მოეწყოს მე-4 სართულზე არსებული დიზაინის შესაბამისად;

ყველა კარს უნდა გააჩნდეს გასაჩერებელი. კარის და შუშის ტიხრების დიზაინი დამუშავდება პროექტირების დროს;

კარების რაოდენობა და ტიპი განისაზღვროს დამკვეთის მოთხოვნის შესაბამისად ან/და გათვალისწინდეს პროექტში დამკვეთის მიერ მოწოდებული ტიპები და სპეციფიკაციები.

სახანძრო ტიპის სახელურები ყველა სახანძრო გასასვლელისთვის;

კარების სამონტაჟო კვანძები შეთანხმდეს დამკვეთთან.